

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON

OPĆINSKI SUD U BANOVIĆIMA

Broj: 127 0 I 083156 26 I
Banovići, 09.01.2026.. godine

OPĆINSKI SUD U BANOVIĆIMA, sudija Jasminka Radunović-Kostić, u izvršnom postupku tražioca izvršenja Y.Y., protiv izvršenika Rmu „Banovići“ d.d. Banovići , radi v.sp. 3.206,00, odlučujući o prijedlogu za izvršenje, donio je dana 09.01.2026. godine sljedeće:

R J E Š E N J E

Prijedlog za izvršenje podnesen ovom sudu dana 06.01.2026. odbacuje se.

O b r a z l o ž e n j e

Tražilac izvršenja je dana 06.01.2026. god. ovom sudu podnio prijedlog za izvršenje na osnovu Odluke o isplati novčane naknade broj: 19164/25 od 19.12.2025. godine navodeći da se na osnovu izvršne isprave donese Rješenje o izvršenju u korist tražitelja izvršenja .

Naime, Odluka o isplati novčane naknade koja pripada tražiocu izvršenja kao uposleniku pravnog lica , donesena je zbog “(...)“ tražioca izvršenja a na osnovu koje je pokrenut predmetni izvršni postupak, te ista predstavlja akt donesen u pravnom licu od strane direktora pravnog lica koja Odluka po ocjeni ovog suda, ne predstavlja izvršnu ispravu koju ima u vidu citirana odredba člana 23. stav 1. ZIP-a F BiH, jer se ne radi o rješenju donesenom u upravnom postupka u skladu sa odredbama Zakona o upravnom postupku, niti o rješenju čije bi se izvršenje provodilo sudskim putem (sudsko izvršenje) u smislu člana 272. stav 1. tog Zakona.

Stoga, kako odluka na osnovu koje je pokrenut izvršni postupak ne predstavlja izvršnu ispravu po odredbama Zakon o upravnom postupku F BiH i Zakona o izvršnom postupku Federacije Bosne i Hercegovine , to je sud donio odluku kao u izreci .

Sudija

Jasminka Radunović -Kostić

Pouka o pravnom lijeku:

Protiv ovog rješenja dopuštena je žalba KANTONALNI SUD U TUZLI, u roku od 8 (osam dana) od dana prijema ovog rješenja. Žalba se podnosi putem ovog suda, u dovoljnom broju primjeraka za Sud i stranke.